

3 JON

¹ E Kristen gate. O ijo was bole Gaius, e anjam endi nenjrenyosim inoq qarinyonum. E ni bole qalaqalaimeqnum.

² O ijo was bole, e ni qa endegsi pailyeqnum, “O Abu, ni na Gaius aqa wau kalil boletime. Osim a singilatim a ma saiwoji soqneme.” O Gaius, e qalieonum, ino qunun a bole unu.

³ Nami Kristen was qudei nanji e nubqa bosib merbeb, “Gaius a anjam bole dauryeqnu.” Degsib merbonab e qusim tulan areboleboleibej. Od, Gaius, e qalieonum, ni anjam bole dauryeqnum.

⁴ Ijo anjro nanji anjam bole dauryeqnub e di quoqnsim deqa tulan areboleboleibeqnu. Ijo arebolebole dena arebolebole kalil tulan bunyejunu.

Gaius na aqa Kristen was nanji geregereinjre-qnu

⁵ O ijo was bole, e qalie, ni kumbra bole dauryoqnsim ino Kristen was nanji geregereinjre-qnum. Osim Kristen was qudei nanjo ulatamu ni qaliesai qaji nanji qure beiq na beqnabqa nanji dego ni na geregereinjre-qnum.

⁶ Was nanji di ino qalaqalaiyo kumbra qa saeqnab Kristen tamo unjasari qure endia unub qaji nanji queqnum. Deqa ni que. Was nanji di olo ni uratmosib walwelqa laqnibqa ni na inji inji qa nanji aqaryainjrim nanji walwelqab. Qotei a ino kumbra deqa tulan arearetoqnqas.

⁷ Was nanği di Yesus aqa wau ojçajqa are qaloqnsib aqa ñam osib walweleqñub. Nanği sawa bei bei çaji nanço ambleq di waueqñub. Nanço wau dena nanği silali inği inği osaieqñub.

⁸ Deqa iga tamo deçaji nanği aqaryainjroqñqom. Iga degyqom di iga nanği koba na wau ojqoqnsim anjam bole sinğilatoqñqom.

Diotrefes a kumbra uge yeqnu

⁹ Nami e anjam qudei nenğrenyosim Kristen tamo unğasari ino qureq di unub çaji nançoq qarinyem. Ariya Diotrefes a gago anjam quetgosaieqnu. A tulañ diqoqnsiqa a na Kristen kalil nanği bunjrsim aqa segi ñam soqtçajqa sinğilaeqnu.

¹⁰ Deqa e nunçoq bosiy Diotrefes aqa kumbra qudei qa olo saingwai. Aqa kumbra bei agiende. A iga qa anjam uge uge mareleñeqnu. Di segi sai. Kristen was nanği walwelosib nunço qureq beqñab a na nanği aqa meq joqsi gilqa urateqnu. Yeçnaqa tamo qudei na was nanği di nanço meq joqsi gilqa laqñab a na nanği dego getentnjreqnu. Osiqa nanği Qotei tal miligiq gilqa saidnjreqnu.

Demitrius a kumbra bole yeqnu

¹¹ O ijo was bole Gaius, ni kumbra uge dauryaim. Ni kumbra bole segi daurye. Tamo a kumbra bole dauryças di a Qotei aqa tamo sqas. Ariya tamo nanği kumbra uge uge dauryeqñub çaji nanği Qotei unça keresai.

¹² Tamo kalil nanği Demitrius a qa mareqñub, aqa kumbra bole. Anjam bole a segi dego tamo sigitosiqa Demitrius aqa kumbra bole qa mareqnu.

E segi dego a qa mareqnum, aqa kumbra bole. Ni qalie, ijo anjam a bole.

Jon a Gaius unqajqa bosim a ombla anjam qairqab

¹³ E anjam gargekoba neŋgrenyosiy inoq qarinyqa kere. Ariya e neŋgrenyqasai.

¹⁴ Sokiñala e inoq bosiy ni numsiy aqo ombla anjam marqom.

¹⁵ Ni lawo na soqnime. Kristen was qure endia unub qaji naŋgi ni qa kaiye anjam qarinyonub. E dego Kristen was kalil ni koba na unub qaji naŋgi qa kaiye anjam qarinyonum. Ijo kaiye anjam endi ni na naŋgi minjriime. Bole.

Yesus Aqa Anjam Bole 2014
The New Testament in the Anjam language of Papua
New Guinea, 2014 revision
Nupela Testamen long tokples Anjam long Niugini,
2014

copyright © 2014 Wycliffe Bible Translators, Inc.

Language: Anjam

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-04-28

PDF generated using Haiola and XeLaTeX on 18 Apr 2025 from source files dated 31 Aug 2023

0eb339dc-c20a-5065-9483-338933d97585